

KONTROL MOZIOA

Empark enpresako 4 langile kaleratuak izan direla eta

Garbiñe Alkiza Lopez de Samaniego EH BILDU udal taldeko zinegotziak, Udalbatzaren Organo Araudiko 98. artikulua oinarri, mozio hau aurkezten du, Udalbatzan azter dadin. Mozioa 2025eko otsailaren 17an Gune Publikoen Batzordean aztertutako interpelazioaren ondorioa da.

JUSTIFIKAZIOA

2024ko urrian jada salatu genuen Emparkeko langileen lan-baldintzak kaxkarrak zirela eta enpresak pleguetan bete behar diren baldintzetako batzuk ez dituela betetzen.

Aipatu genion Udal Gobernuari pleguetako baldintza batzuk betetzen ez direnaren zantzuak genituela, hizkuntzaren kudeaketan, segurtasunean, azpikontratazioan eta mantenuan besteak beste, eta hortaz, horiek berrikustea eta betearaztea zegokiola Udal Gobernuari.

Hala ere, Udal Gobernuak enpresak pleguen baldintzetan ezarritakoa betetzen zuela ziurtatu zuen eta adierazi zigun, ez betetzeren bat ikusten zuenean egoera hori konpontzera behartuko zuela enpresa.

Horrekin nahikoa ez, eta oraingoan jakin dugu Emparkeko 4 langile kaleratuak izan direla. Enpresak hori egiteko aipatu dituen arrazoiak izan dira segurtasunerako langileak kontratatatu behar izan dituztela eta hortaz, arazo ekonomikoak dituztela bestelako langileak mantentzeko.

Segurtasuna sartu dute Katalunia Plazan, Okendon eta Kontxan gaueko 23:00 - 07:00.

Eta esan digutenaren arabera, aparkalekuetako segurtasuna bermatzeko, langileek kabinan egon behar dute, gauez hiru txanda egin behar dituzte oinez, lotan ikusten dituztenak kaleratu behar dituzte eta susmagarriei txartela eskatu behar diete.

Segurtasuneko langile hauek kontratatzeak, hainbat aldaketa ekarri ditu aparkalekuen zerbitzuan.

Esaterako, Atotxako aparkalekuan asteazkenetako eta ostegunetako 12:00etatik 20:00etara bitarteko



EH Bildu talde politikoa

Grupo político EH Bildu

Ijentea, 1 - 20003 Donostia

Tel. 943481027 eh_bildu@donostia.eus-- www.donostia.ehbildu.eus -

txanda kendu da, eta soilik ostiraletakoa mantendu da. Eta Kontxako 12:00-20:00 bitarteko beste langile baten txanda ere kendu da.

Bulebarreko gaueko txanda da soilik mantendu dena, eta hortaz, langile bakar hori arduratu beharko da Madriletik artatu ezin diren bezeroez eta bestelako arazoez gainerako beste 5 aparkalekuetan ere (Okendo, Katalunia Plaza, Atotxa, Kontxa eta Easo). Langile horrek esaterako, 6 aparkalekuetakoren batean gerta daitezkeen hesien hausturak edo ez irekitzea konpondu beharko du, makinen matxurak, kutzazainak eta antzeko gorabeherak kudeatu ere.

Horrez gain, orain arte gauez egiten zen garbiketa ez da egingo, gauean garbiketa-txandarik ez baitago.

Azken finean, kaleratutako langileek egiten zituzten eginkizunak, egin gabe geratuko dira.

Honen guztiaren berri eman genion zinegotzi arduradunari azkeneko batzordean. Langileen kaleratzearen berri bazuela jakinarazi zigun eta haien ordezkari batekin ere bilera egiteko asmoa. Baina batzorde berean jakin ahal izan genuen, Empark enpresak neurri hau ezarri eta gero eman ziola Udal Gobernuari horien berri, eta orduan kaleratzeak eman eta gero Udal Gobernuak neurri honen azterketa egingo duela.

Argi dago, batetik zerbitzuaren kalitatea betetzen ez denaren adibideak ditugula, eta bestetik Empark enpresak pleguak betetzen ez dituenaren bestelako zantzuak ere bai.

Horiek horrela, honako hau da behean sinatzen duen zinegotziak aurkeztutako **KONTROL MOZIOA**:

1. Donostiako Udalbatzak hertsiki eskatzen dio Udal Gobernuari baldintza teknikoen eta administratiboen pleguaren betetze-mailari buruzko auditoretza egin dezala, eta haren ondorioen arabera neurri egokiak har daitezela.



EH Bildu talde politikoa

Grupo político EH Bildu

Ijentea, 1 - 20003 Donostia

Tel. 943481027 eh_bildu@donostia.eus-- www.donostia.ehbildu.eus -

2. Donostiako Udalbatzak hertsiki eskatzen dio Udal Gobernuari lurpeko aparkalekuak pixkanaka publikatzeko aukerak aztertuko dituen lantalde bat osa dezala.

Donostian, 2025eko otsailaren 21ean

Garbiñe Alkiza Lopez de Samaniego
EH BILDU udal taldeko zinegotzia